

# КОМСОМОЛОНЬ ВАЙГЯЛЬ

Сембе масторонь пролетариянь, пуромодь марс!

ЛИСЕНДИ VIII-це КИЗОСЬ

ВЛКСМ-нь Мордовский  
обкомть и Саранский  
горкомть газетасна.

Адрес: г. Саранск, Советская ул.,  
Дом печати, телефон № 1-60.

ПИТНЕЦ 5 тр.

МАРТТЬ  
6-ЦЕ ШИСТОНЗА  
1940 КИЗОНЯ  
27 № (1679)

ЛИСЕНДИ КОВТИ 12-кэ ть.

## Большевикокс анокламс тундань видемати

Аф лама пингта меле ушеды тундань видеамс. Тундань виде-мать эсь пингстонза и цебарьста йотафтоманц эзда ламода зависит оцю урожайнь получама. А штоба лац йотафтомс видеамать, эряви тейнза лацкас анокламс. Тундань видемати анокламать эса активнай роль должетт занямс комсомольский организацияне. Тя рольсь особенна оцю должен улемс сят колхознень эса, коса аш перичнай парторганизация.


Комсомолецне должетт сембе вастнень эса улемс инициаторкс. Лама комсомольский организацият лац шарьхкодезь эсь рольсон и задачасон тундань видемати анокламаса. Вов Кадошкинский райононь Нариманть лемса колхозса комсомолецне сидеста путне-сазь эсь собранияст тьян колга кизефксть, вникают колхознай производстват сембе деталензон-ды Аф стак тя колхозсь цебарь сатфксонкса ульсь йотай кизоть ВСХВ-са участникомс и тьян тага МАССР-нь выставкомс кемокста-зе 1940-це кизоня ВСХВ-са участ-никомди кандидаткс. Сонь ни ку-наракиге петъф инвентарец, сорти-ровандафт и триеровандафт видь-монза, паксянзон лангс ускфг удобреният. Массовай квалифика-циянь кадраса колхозсь обеспе-ченай 100 процентс. „Красный Октябрь“ колхозста комсомолец-не (Атяшевский район) тьяфта жа активнай участия примосихть тундань видемати анокламать эса. Синь эсь открытай комсомольский собранияст лихтсть замечатель-най инициатива—колхозса профес-сиянь совмещения тьян колга. Тянь ни синь йотафнесазь эряфс. Кда инголи бригадаса ульсь бригадир и учетчик, то тьян бригадирсь сонць жа вятьсы бригадаса учетть. Тя собранияс комсомолецне сяз-сть обязательства йотафтомс тундань видеамать 5—6 шиста.

Аф кальдяв участия примосихть тундань видемати анокламать эса Каньгуж велень „Путь к соци-ализму“ колхозста комсомолецне. Синь тя тевса упорнай работасон вельде колхозсь прокс аноклаф тундань видемати. Аф кунара колхозса тя кизефксть колга ульсь йотаффт бригаднай со-

браният, коста нийфоль, што колхозсь анокль хоть ванды лисемс видеам.

Но эряви азомс, што респу-блика кой-кона комсомольский ор-ганизацияне аердсть тя важней-шай задачат эзда. ВЛКСМ-нь обкомсь тьян колга аф кунардонь решениясовза отметил, што Коч-куровский и Торбеевский райот-тнень эса первичнай комсомольский организациятнень иль ламосна тундань видемати анокламаса примосихть участия аф сатомшка; ащихть ширеса агромероприяти-янь йотафнемать эзда, конань эзда зависит урожайть касфтомац. Обкомсь обязал ВЛКСМ-нь Торбе-евский райкомть секретаренц Кра-снот, Кочкуровский райкомть сек-ретаренц Кочетков ялгатнень це-барьгофтомс комсомольский ор-ганизациятнень тундань видемати анокламаса работасон. Обкомсь тьяфта жа обязал ВЛКСМ-нь сембе райкомтнень пуроптомс сембе кол-хознень эзда, коса улихть комсо-мольский организацият, комсо-мольско-молодежнай постт, конат должетт контролировать колхозса тундань видемати анокламать мо-леманц.

Тундань видеамать успешнайста йотафтомасонза оцю значения кир-ди механизаторский кадрань анок-ламаса. Республика комсомоль-ский организацияне сьавондсть эсь лангзост обязательства ано-кламс производствата апак аертт 1000 стирня трактористкакс. Но комсомолонь кой-кона райкомтне, кода Зубово-Полянскийсь, Ельни-ковскийсь, Рузаевскийсь, Ширин-гушскийсь, Рыбинскийсь и лама илят недооценили тя тевть и тьян сюнеда республика аноклаф ан-цек 148 стирня трактористкакс. ВЛКСМ-нь райкомтненьди, а тьяфта и ВЛКСМ-нь обкомть крестьян-ский од ломанень отделонцты эря-ви лувомс трактористкань анок-ламаса тьяфтам тревожной поло-жениять. Кемоста кярмодемс тя тевти. Тьяфта жа эряви шарфтомс оцю мяль массовой квалифика-циянь кадрань анокламать лангс, анокламс сембе ширде тундань видемаги, штоба сонь йотафтомс срокстонза и цебарь качества мар-хта.



Мясниковть лемса (Минск, БССР.) вагоностроительнай заводонь стахановец-комсомолец И. П. Казак местнай Советтненьди трудящайн депутатонь кочкамста лац работась агитаторкс. Тяни сякокс жа вяти агитмассовой работа населениять йоткса ингольцен избирательнай участка.

СНИМКАСА: И. П. Казак заводской библиотекас аноклай очередной за-нятия.

Фотось В. Марционкоть.

(ТАСС-ть фото-клишец).

## Мордовский АССР-ть 5-це кизонь юбилейнц, честьс

Февральть 26-це шистонза Зубо-во-Полянский райононь Сире-Поть-ма велень колхозникнень йоткса ульсь йотафт Мордовский Авто-номнай областть 10 кизонь и Мор-довский АССР-ть 5 кизонь юби-лейнц честьс колхознай собрания.

Собранияс ульсь тиф Мордов-ский АССР-ть ветя кизонзон пинг-ста сатф достижениязон колга доклад. Докладта меле лама кол-хозник выступали пренияса и сьавсть эсь лангзост обязательст-ват, штоба образцовайста и срока инголе аделамс тундань виде-мать.

Колхозникне эсь выступления-сост корхтайхть: „минь сяфтяма эсь лангзонк обязательства, што-ба анокламс сембе уликс сельско-хозяйственной инвентарть, сорти-ровандамс сембе сортовой видьмот-нень и улемс полный готовность-са, штоба цебарь качества и срока инголе аделамс тундань видеамать“.

Тянийнц пингть колхозникне со-ревновандайхть 1940 кизоня оцю урожайнь сатомать инкса.

А. Девятаев.

Зубово-Полянский район.

## ЛЕНИНГРАДСКИЙ ВОЕННАИ ОКРУГТЬ ШТАБОНЦ ОПЕРСВОДКАЦ

Мартть 4-це шистонза Карель-ский перешейкаса Выборгский за-ливть района минь частеньке занязь Уураан-Саари островть Тронгсунд (Уураа) ошнень и кре-постть мархта и Выборгский за-ливса Тейкарин—Саари островть, а тьяфта жа Выборгский заливть западнай берягсонза Хейнлахти, Вилайоки и Мухулахти местеч-катнень. Тронгсунд крепостьса

сьавфт морской дальнебойнай ору-диянь колма батарея и лама пу-леметт, винтовкат, снарядт, патротт.

Фронтса лия участкатнень эса мезевок существеннай ашель.

Минь авиацияньке мольфть бо-евой действият противникть вой-сканзон и военнай объектозон ланга. Противникть авиацияц воз-духса ашезь эвондакшне.

## СССР-ть и ГЕРМАНИЯТЬ ЦЕНТРАЛЬНАЙ СМЕШАННАЙ ПОГРАНИЧНАЙ КОМИССИЯСНОН СООБЩЕНИЯЦ

1940 кизонь февральть 27-це шистонза аделаф пограничной зна-конь ладямась советско-германс-кий сембе границат пцтай 1500

кил. метршкань кувалмос. Сем-боц ладяф 2820 пограничной стол-ба.

В основном аделаф од грани-цать топографический с'емкац.

## Очередной призывть васьфтьсаязь достойнайста

Сире-Сомай велень допризывни-кне активна аноклайхть Рабоче-Крестьянский Якстерь Армияв и Военно-Морской Флоту очередной призывти.

Тяса организовандафт обороно-физкультурнай кружокт, конат-нень мархта фатяфт пцтай сембе допризывникне. Кружокнень эса занятияне ётафневихть аккурат-найста, эрь пятидневкати вестъ. Эрь допризывникть мялец фкя: сьада курук максомс норматнень ВС-нь, ПВХО-нь, ГСО-нь и обо-ронно-физкультурнай лия значок-неньди.

Рабоче-Крестьянский Якстерь Армиять и Военно-Морской Флотть XXII годовщинасон честьс допри-зывникне ётафть военизирован-най поход, конац ёгась пяк оцю сатфксса. Тя походть эса примасть участия велень сембе допризыв-никне.

Тяда башка допризывникненьди сидеста тиендеви хть международ-най положения тьян колга докладт и беседат.

Тарасов.

Рыбинань район.



## Ученикнень кельгома тевсна

Перхляй велень аф полный сред-  
ний школань ученикне пяк оцю  
участия примосихть оборонно-физ-  
культурнай кружокнень работаса.

Ученикнень эзда аф кржась Як-  
стерь армиять 22-це годовщинанц  
честьс максоць норматнень  
ПВХО-нь и ГСО-нь значокнен-  
ди. Ученикнень Сардаева Анять,  
Ермеева Матренать, Пьянзов Ва-  
сять и лиятнень тияи 2-3 обо-  
ронно-физкультурнай значоксна.

Кочкалов.

Рузаевский район.

## КРУЖОКНЕ РАБОТАЙХТЬ ОБРАЗЦОВАЙСТА

Ковылкинский средний школаса  
аф кунара организовандаф  
ОСВОД-нь первичнай ор анизация,  
конань рядонзонды членкс сувасть  
школань пцтай сембе ученикне.

ОСВОД-нь первичнай организа-  
циясь эсь работанц васень пинг-  
стонзакиге ладязе образцовайста.  
Организациянь четтнень ётка  
занятиятнень йотафнесазь Ковыл-  
кинский водоспасательнай станци-  
яь сотрудников Ядрошников и  
Судьбенков ялгатне. Ученикне тя  
тевть пяк кельгась. Занятиятне  
йотнихть пяк организованнайста и  
интереснайста.

Ученикне цебарьста тонадозь  
спасательнай инвентарть и сонь  
применениянц, тонафнезь корабль-  
нень классификациясон, а тияи  
тонафнихть ВИА-2 тьоджя водолаз-  
най аппаратть.

Пяк живийста йотнихть заня-  
тиятне технический кружокса, ко-  
нань мархта руководит средний  
школань преподавательсь, физик-  
сь Боронина ялгась. Боронина  
ялгась кружоконь участникненьди  
изобретательность и конструиро-  
ваниянь колга тиенди пяк содер-  
жательнай лекцият, лувонды тех-  
нический журналхт и газетат.


Тяса эрь учениксь пяк оцю мяльса  
тонафнесы изобретательнай теветь.  
7-це классонь учениксь Вотолкинц  
тись фотоаппарат „Фотокор-1“  
аппаратть лаца, а тияи сон тии  
„Лейка“ аппарат. Кружоконь  
участникне марса тисть перескоп,  
подзорнай труба, электрический  
токонь переключатель и лият.

В. Челматкин.



СНИМКАСА: Ковылкинский районнь  
„Коммунар“ колхозса мажорководстваса  
стахан в катне Д. И. Ворнаковась и Е. К.  
Земсковась.

Фотось А. Ивановть.



Сталинонь лемса Ленинонь ордена казф физический культурань институтсь  
(Моску) эсь комсь кизонц васьфтезе оцю сатфкс мархта. Институтсь максь совет-  
ский известнай спортсметт: спортонь заслуженнай мастерхт, кода Бойченко пла-  
вець, З. Мицис и Ляхов легкоатлетикне, Механик мировой рекордсмен-штанги.  
стсь и лама лият.

Оцю работа вятихть институтть кафедрань руководителенца, кода спортонь  
мастерсь Градополов, Катулин орденоносець и Озолин, Темурян институтть орде-  
ноносець воспитаниконца.

СНИМКАСА: (види ширестось) В. В. Вышпольский, кафедрань руководите-  
лец, ваны коамоце курсонь студенттнень эсподронаса упражнениисон мельге.  
Фотось Б. Дорофеевть, (ТАСС-ть фото-клишец).

## Ударницат

Мордовский фельдшерско-аку-  
шерский школань, акушерский  
отделениянь студенткатне Дерми-  
чевась, Егоровась, Жигуловась  
Кузнецова Катясь, Марсевась, Ба-  
жановась, Чиндяскинась и лиятне,  
фельдшерский отделениянь студен-  
тне Булавинась, Поповась Рома-  
новась, Назаровась, тядень то-  
нафнема кизоть пингста ашесть  
получа фкявок плохой и посред-  
ственной отметка, синь тонафнихть  
аньцек отличнайста и цебарьста.

Тяда башка общественной те-  
са синь лувондовихть инь пере-

довойкс сембе студентонь коллек-  
тивть йоткста. Школась соревно-  
вадась РККА-ть и Якстерь Воен-  
но-Морской Флотть 22 годовщи-  
нанц честьс. Нят студенттне эсь  
лангозост сывф обязательствасон  
пашкодезь честь мархта.

Синь кода отличницат и цебарь  
общественницат оцю лезкс макс-  
сихть тонафнемаста отстаючай ял-  
гаснонды, школаса синь сембе  
лувондовихть ударницакс.

И. Поляков.

Саранск ош.

## Учениконь собранияста

Ковылкинский средний школань  
дирекциясь февральть мекольдены  
шинзон пингста йотафтсь учени-  
конь собрания, конань эзда няевсь,  
што кой-кона ученикне пяк каль-  
дывста тюрхить учебнай програм-  
мать пашкодеманц инкса, улихть  
ученикт, конатнень 5-7 кальдыв  
отметкасна.

Собраниясь тяфта жа няфтезе,  
што мекольдены пингть эзда пяк  
кальдывста кармасть работама  
оборонно-физкультурнай и само-  
деятельнай кружокневок.

В. Челматкин.

Ковылкинань р-н.

## Тевть вастс шава валхт

Сире-Сомай велень аф полный  
средний школаса оборонно-физ-  
культурнай кружокнень руководи-  
тельсна ученикненьди аф кржа  
корхнесть, што Рабоче-Крстьян-  
ский Якстерь Армиять 22-це го-  
довщинанц ознаменовавдасазь обо-  
ронно-физкультурнай значокненьди  
массовой нормань максомаса.

Но сави азомс, што сембе тя  
ульсь шава корхнемакс. Школань  
ученикнень эзда ашесть анокла  
нльне фкявок значкист.

Григорьев.

Рыбкинань район.

## Кружокне аф работайхть

Ежка велень аф полный средний  
школаса организовандаф лама  
добровольнай организацият и кру-  
жокт, конат кадозь работасон  
самотекс и аф вятихть кодамовок  
воспитательнай работа ученикнень  
йоткса.

Осоавиахимский организациясь  
бездействует, ашезь тиенде фкя-  
вок беседа Якстерь Армиять и  
Военно-Морской Флотть шачемани  
и кемокстаманц колга. Западной

Украинань и Западной Белорусси-  
янь братьяньконь освобождения-  
сон инкса, белофиттнень каршес  
тюремаса сонь боевой подвигон-  
зон колга.

Лама учениконь ули мяль-  
сна максомс оборонно физкуль-  
турнай значоконди норматнень, но  
тя работать коряс мезевон аф ти-  
ендеви.

Маркин.

Ковылкинский район.

## Аф грамотность машфтома нинге ашесть кярмотькшне

Барановка велеса аф грамотнай-  
да и малограмотнайда лувондови  
аф кржа, но синь ётксост работа  
аф ятеви, тяса нльне аш культ-  
армеецка.

Сави азомс, што тя важнейшай  
работать шири Атюрьевань

РОНО-сь аф шарфни кодамовок  
мьяль.

РОНО-сь населениять йоткса не-  
грамотность и малограмотность  
машфтоманцы должен кярмо-  
демс сембе вийса.

К. Черакшев.

## МЕС АШ ПРЕПОДАВАТЕЛЬ?

Тонафнема кизоть омбоце пьяль-  
ксонц ушеткстонца Сире Сомай  
велень аф полный средний школа-  
ти Рыбкинань РОНО-сь обещал  
кучемс физикань и математикань  
преподаватель, но РОНО-ть обеща-  
нияц иляткшни тячийнь шити самс  
шава валкс.

7-це класс, кода выпускной  
класс, но тяса кафта кожда ламос  
ашесть йотафта фкявок физикань  
и математикань урок, нльне нят  
предметтне ашельхть расписания-  
сонга. Тянь колга школань дирек-  
торсь Купряшкин ялгась аф весть  
обращался РОНО-в, но тоса тейн-  
за ашесть макса кодамовок лезкс.

Н. Поляков.

В. Григорьев.

Рыбкинский район.

## Пионерорганизациясь аф работай

Ковылкинский районнь Ёжка  
велень НСШ-са пионерский орга-  
низациясь вожатайсь Трифоно-  
вась пионерхнень йоткса аф вяти  
кодамовок работа. Тонафнема ки-  
зоть ушеткста сывомок, мянь тя-  
чимс Трифоновась ашезь йотафта  
фкявок отряднай и звенань сбор.

Пионерхнень йоткса аф тиенди  
беседат и аф лувонды газетат. Тя-  
да башка организациясь аф пол-  
невихть отрядонь и звенань стен-  
газетат.

Улихть пионерхт, конат пяк  
кальдывста вятьсазь эсь прысмон,  
кода школаса, а тяфта жа ульця-  
сонга, кальдывста тонафнихть.  
Синь йотксост апаж вишкпттть  
социалистический соревнованиясь  
отличнайста тонафнемать и це-  
барь дисциплинарь сатоманц инк-  
са.

Пионерский организациять ра-  
ботанц ладяманц инкса комсо-  
мольский организациясь кодамо-  
вок лезкс аф макси, комсомолец-  
не вестенге ашезь кулхонца  
пионервожатайть Трифоновать ра-  
ботанц колга отчетонц.

Пионер.

Ковылкинский район.



СНИМКАСА: Комсомолецсь - колхоз-  
никсь Исак ов ялгась аши кильдф оле-  
ненц вакса (Якутский АССР, Томмотский  
район, Буягинский колхоз).

Фотось В. Придорогинт  
(ТАСС-ть фото-клишец)ч





Колхозонь и совхозонь спортсменонь Всесоюзный лыжной соревнованиятне.

(СНИМКАСА: Соревнованиясь победительница группа. Кержи ширде види шири: Молотовь лемса колхозста (Московский «блестть Павлово-Посадский районца») Е. Хренова колхозница, конач военизированой соревнованиятне пингста занязе васенце вастть, Карл Марксь лемса колхозста (БССР-нь Могилевский областста) Е. Какора колхозница, конач занязе омбоце вастть 500 метрань дистанциясь и «За оборону» колхозста (Марийский АССР-нь Сотнурский районца) А. Андреева колхозница, конач занязе омбоце вастть военизированой соревнованиятне пингста.

Фотось В. Широковъ.  
(Фото-клишесь ТАСС-ть).

## «Колхозонь эряф» журналть— школатненди и тонафнихненди

Мокшень «Колхозонь эряф» журналсь пяк ценнай школатненди. Журналсь аши пцтай единственнай источниккс школава мокшень литературать проработканц инкса. Мокшень писательхненди: М. Безбородовъ, А. Карасевъ, И. Чумаковъ, А. Чекашкинъ, С. Родкинъ, Ф. Дурновъ и лиятненди сембода цебяръ произведениясон, конат лисендсть журналса ётай кизотненди, Мордовский Наркомпросъ эсь программанзон эса рекомендовандазень школатненди. И лувондомок «Колхозонь эряф» журналть эрявикс шинц, Мордовский Наркомпросъ рекомендовал райОНО-нь заведующайхненди и сембе школатненди, штоба начальвай, аф полной средней и средняй школатне и синь эсост тонафнихне эсь лемозост сьорматфтольхть «Колхозонь эряф» журнал.

Журналса тядде кармайтхть лисендема мокшень писательхненди од произведениясна, статьят школаса успеваемость, дисциплина и воспитаният колга. статьят писательхненди-классикненди произведениясон колга, конат тонафневихть школава; критический статьят мокшень писательхненди творчествасон колга; эрь номерса нолывихть мокшень ёфкст, морот, частушкат, итненди произведеният.

Школань руководителхненди и тонафнихненди эряви эрясколомс эсь лемозост сьорматфомс «Колхозонь эряф» журнал. Подписка примсхть сембе почтовой отделениятне и башка сьормань каннихне. Журналть питнец колма ковонди—3 цалковайхть, кизонди—12 цалковайхть. Журналть адресоц: Саранск, Дом печати, «Колхозонь эряф».

ИВАН ЧУМАКОВ,

«Колхозонь эряф» журналть рабботникоц.

## ФИЗКУЛЬТУРАСЬ—ОД ЛОМАТТНЕНЬ КЕЛЬГОМА ТЕВСНА

Темниковский учительский институтонь комсомольский организациясь пяк оцю мялса реализовандакшвесыне ВЛКСМ-нь ЦК-ть IX пленумонц решениязон.

Тяса сембе комсомолецне ащи хть осовиахимонь ряттненди эса членкс; ламонц синь эздостулихть ни военной специальностис. Тяфта, например, 15 студент-комсомолец максозь норматненди «Ворошиловский стрелок» значокти, 41—ПВХО-нь, 37—ГСО-нь значокненди. Оборонно-физкультурнай работаса цебяръ результатт няфтсть Грицковасъ, Винокуров. Евстифеев, Юрченкова, Кидяев, Касаткина и

илия ялгатне, конатненди тани ни улихть 3-4 обороннай значоксна. 1939-1940 учебнай кизоть васенце полугодиянц пингста комсомолецненди эзда 50 процентсь военной тевть тонафнесь отличнайста, а тани отличникненди лувкссна нингесядонга кассть.

Институтонь комсомолецне и аф союзнай од ломаттне нефтома кельксазь эсь великай родинасон. родной Сталинть, и синь любовай пингста анокт арамс минь доблестнай Робоче-Крестьянский Якстерь Армияньконь рядонзонды.

А. Тренкин.

## Комсомольский организациясь касы

Зубово-Полянский райононь Покрово-Селищенский школьной комсомольский организацият секретарь Белкин Алексей лац ладязе воспитательнай работать аф союзнай од ломаттненди йоткса.

1939 кизоть ётамс ингольденди секретарть кальдяв работанц мархта организациясь киресь комсомолецненди лувкссна, ашель синь йоткост воспитательнай и агитационнай работа. Аф кунара комсомолецне кочказь секретарькс Белкин ялгать. Белкинъ эсь добросовестнай и честнай работанц мархта ладязе комсомолецненди и аф союзнай од ломаттненди ётка воспитательнай работать.

Тядденди кизонь 2 кофненди йотамс организациясь примась 10 аф союзнай передовой од ломатт

ВЛКСМ-нь членкс. Тонафнемаса отличникне и передовой общественникне Шумкин и Сараев ялгатне аноклазь эсь приснон комсомолу сувамати.

Тяда башка лац ладяф комсомолецненди ётка обороннай работась. Осовиахимский организациясь аноклазь комсомолецненди ётка лама комсомолец ПВХО-нь значоктокс.

Комсомолецне марса аф союзнай од ломаттненди и пионерхненди мархта сувасть социалистический соревнованияс колмоце четвертьт отличнайста и цебяръста аделаманц инкса. Соревнованиятненди результатсна аккуратнайста азонкшневихть ученикненди.

Петр Бегаев.

Зубово-Полянский район.

## МЕСТЬ ЖА ТИЕНДИ ЧЕРЕНТАЕВСЬ?

Сире Дракань «Цятка» колхозонь комсомольский организациясь комсомолецненди йоткса аф вятевы кодамовок политико-воспитательнай работа. Комсорсь Черентаевсь ашезе лув эрявиксонди нльня тонафнемс ВЛКСМ-нь ЦК-ть Х пленумонц решениязон.

Аф ваномок комсомолецненди требованиясон лангс, Черентаевсь

кафтовъ ков аф тиенди собраният. Мянъ тячемс комсомольский организациясь апак путтоль кизефкссь тундань видемати анокламати колга. Черентаевсь аф содасыне эсь ударник комсомолоцонзон, а синь эздост лама.

П—ов.

Ковылкинский район.

## Комсомольский организациятне од ломаттненди эзда аердсть

Сире Сомай велень колхознай и школьной комсомольский организациятне велень од ломаттненди йоткса политико-воспитательнай работать ладямаса йофси аф няфнихть кодамовок инициатива.

Велень од ломаттне комсомольский организациятненди ширде аф вестъ вешть, штоба синь од ломаттненди тиендехть беседат международнай положеният колга, йотафнелхть собраният, конатненди эса путнелхть антирелигиознай и лия научнай темас коря докладт и лекцият. Но нят сем-

бе актуальной кизефксне йотнихть комсомольский организациятненди вакса. Велеса нльне аш СВБ-нь и МОПР-нь организациятка.

Тяда башка выборнай кампанияда меле велеса лоткафтф сембе агитационно-пропагандистский работась.

Нят сембе кизефксненди комсомольский организациятне обязатт кярмодемс сембе вийса, большевикокс.

Поляков.

Рыбкинъ район.

## Юкстаф работань участка

Журавкина велень комсомольский организациясь лувондови 15 комсомолец, конат аф касфнесазь эсь политический уровеньшон. Марнек организацияста аф муят фкявок комсомолец, конач ба основательнайста тонафнелезе ВКП(б)-ть историянц.


Комсомольский организациясь аф ётафнесыне эряфс ВЛКСМ-нь ЦК-ть X пленумонц решениязон. Тя няеви тоста, што марнек велеса аф вятевы кодамовок культурно-массовой работа. Клубсь ащи замок эшксса.

Тяфта жа кальдявста аши тевсь школаса пионерский организациясь, коса пионервожатайсь Учавасъ аф вяти кодамовок воспитательнай работа пионерхненди йоткса.

Од ломанень воспитания тяфта жа безобразнай отношениясна велень советтьке и школань директортьке.

Шеров А.

Зубово-Полянский район.



У. А. Алексеев калмык комсомолец 1939 кизоня аделазе 1-це Московский медицинский институтъ, анычек отличнай показател мархта. Сон студентокс улемстонза сьормась научнай работа. Тани Алексеев ялгась гистрологиян кафедраса аспирант, аноклай научнай диссертацият ареляманцты, тяка жа пингста сон вяти оцю обороннай работа кафедрат персоналонц ётка.

СНИМКАСА: У. А. Алексеев аспирантсь работаса.

Фотось И. Мальского и С. Шагальт.  
(Фото-клишесь ТАСС-ть).

## Ладямс культмассовой работать велеса

Пяк оцю Сире Теризморга велесъ, тяса лама од ломаньда. Но кодама агитационнай и культмассовой работа вятевы синь йоткост? Васендакиге, велеса аш клуб. Од ломаттненди аш коса йотафнемс эсь досугсон.

Йотай 1939 кизоть велеса апак няфттель фкявок звуковой кинокартина, йофсикс кржа путнефоль постановкада од ломаттненди йоткса. Но и аф тяда лац ащи тевсь тядденди кизоттьке. Кафта ковть йотамс путнефоль анычек фкя пьеса «Кафта акулат». Культмассовой работать ладямс улихть сембе условиятне. Тяса пяк оцю подколлективсь, но сон пяк ширеса ащи од ломаттненди эзда.

Велеса улихть кафта оцю колхоз—Буденнайть лемса и «17 лет Октября» колхозне. «17 лет Октября» колхозсь (председатель Паркинъ) кржа выписал газетат правления, а бригадатненди йофсикс аш газетат. Колхозникненди йоткса аф лувондовихть газетат, аф тиендехть беседат международнай положеният колга и ст. тов.

Нинге тядонга кальдяв работась колхозса стенной печатть мархта. Тянинь пинить апак нолдак фкявок номер стенной газета, апак няфтть колхозть тундань видемати анокламосонза инь передовой стахановецне-колхозникне и кальдявста работайхне. Колхозса апак вишкoptть социалистический соревнованиясь тундань видемати лац анокламати и образцовайста, срукта инголе сонь аделаманц инкса. Кода бригадирхне, атяфта жа илады колхозникне ашестъ кемокста эсь йотковаст содоговорхт сталинский урожайть сатоманц инкса.

Комсомолец.

Сире-Шайговань район.

## ЦЕБЯРЬ ПЕКАРЬ

Сире Кангуш велень колхознай пекарняса Кирдяев ялгась нилеце кизось работай пекарькс. Сянй инкса, штоба паныцемс кши анычек цебяръ качества, Кирдяев ялгась Ст. Девиченский пекарьхненди мархта кемокстась соцсоревнованиян договор.

Сон эсь сывф обязательстванц пшкотькшнесы велф, эсь работасонза няфни производственной оцю показателхть и пример иладыкс пекарьхненди.

Ф. Черашк н.

Ельниковский район.



## Колхозсь аноклай видемати

Зайца велеса „XVI партс'езд“ колхозсь образцовыста аноклай тундань видемати. Колхозть вильмонза анокт, сембе сортировандафт и ашихть цебарь утомга. Паксяв ламонц участкава тифт ловонь кирдема и ускф удобрения, а стания жа отремонтированнайхть сембе с/хоз машинатне и сбруйхне.

Н. Гуляйкин.

Рыбинский район.

## Оцю урожайнкса аф тюрхть

Од Выселка велень Калининть лемса колхозть руков одителенза сталинский урожайнь сьвомать инкса аф вятихть кодамовок тюрема.

Содаф, што ловонь кирдемась урожайть касфтомаса лувондови фкия инь важнейшай агротехнический мероприятиакс, но тяса ловонь кирдемати нинге ашесть кярмьоткшине. Тяфта жа ащитевсь кулувонь, птичань пометовь кочкамасовок. Колхозть минеральной удобрениянза нинге тячимс атак ускт Зубово-Полянаста. Колхозсь тифта жапак калдывста аноклай тундань видема кампанияти. Вельхозмашинатне: плукне, сеялкатне, инзаматне и лия инвентарт пясесновок нинге атак петть. Алашатнень упитанностьсна калдыав.

Общев.

Зубово-Поляна район.

## Физкультурнай хроника

Мартть 1-це шистонза „Учитель“ обществать котокса республика перзенствать инкса Саранск ошень „Динамо“ и „Буревестник“ обществатнень командаснон йоткса йотафтфт полуфинальной хоккейнай васедемат.

Налхкомать пингста „Буревест-

## КАЛДЯВ РУКОВОДИТЕЛЬХТЬ

Алькина велень „Парижская коммуна“ колхозсь аф аноклай тундань видемати, с/хоз инвентарец йоряф коза повсь и атак петть.

Колхозть алашанза калдыав упитанностьсот. Колхозонь правлениясь и конюхне тянь лангс кодамовок мяль аф шарфнихть. Кормать эса синь каннихть эсь тракссонды, алашатнень инголе сидеста аф эрьси тише пакшкявок.

П. Костин.

Ковылкинский район.

## Тундань видемати аф аноклайхть

Сире Теризморга велень „17 лет Октября“ колхозсь пак калдыавста аноклай тундань видемати. Тяс нинге атак ремонтировандакт плукне и инзаматне, конат тячимс ашихть ловть ала.

Сембода иляткшни фталу 3-це бригадась, коса бригадирсь Шеняев ялгась, тяс нинге апаканоклакт ашкневок. Колхозсь тя шити самс ашезь кунце ловонь кирдема тевти.

Н. Кадеров.

Ст. Шайговский район.

## Тюрхть оцю урожайть инкса

Сире-Кангуш велень „Путь к социализму“ колхозсь оцю вйса тюрй 1940 кизоня сталинский урожайть сатоманц инкса.

Колхозонь правлениясь лац ладязе паксятнень лангс минеральной удобрениянь усксихнень йоткса работать.

Колхозсь паксяв усксь ни лама кулу, саразонь помет, минеральной удобрения. И. Курдяев.

Ельниковский район.

## МИНЬ ПЕЧАТЛАФ МАТЕРИАЛОНЬКОНЬ КОРЯС

Аф кунара „Комсомолонь вайгяль“ газетаса ульсь сьорматф, што Ковылкинский райононь Шямонь велень школаса калдыавста ладяф добровольной организациятнень и кружокнень работасна.

Газетатъ выступления ульсь обсуждандаф ученический собраниясь и педагогический коллективса. Газетаса азф фактне сембе

ник“ общества Ромейкось грубайста валхкоманкса полять эзда ульсь паньф.

Налхкомась аделавсь 4:2 лувкса „Динамо“ обществать пользас.

Купер.

Саранск ош.

Тяда башка газетась сьорматкшнесь тяка жа школаса школьной библиотекакть калдыав работанц колга. Тянь коряс примафт ни мерат и библиотекась школаса кармась работама цебарьста.

## ПЕТЬФТЕМС РАДИОПРИЕМНИКТЬ

Сире Потьма велень „16 партс'езд“ колхозсь нинге 1936 кизоня рамась радиоприемник, конат лама пинге ни аф работай. Тянь лангс колхозонь руководителхне исть шарфта кодамовок мяль.

Колхозста нолнефгольхть средстват радиоприемникть петьфтемс, но нят средстватнень присвоили эсь зепозост колхозонь руководителхне. Тянийнь пингть приемниксь ащи атак пякстак шкафса, сонь эздонза лама часть имасть-ни.

Колхозникне ламоксть обрацались колхозонь руководителхненди сонь петьфтеманц колга, но синь аф шарфнихть кодамовок мяль колхозникнень запросснон ширес.

Гуляйкин.

Рыбинский район.



Карась, конатц мялец улемс рятафоке-лофца лангса.

Рисункась В. Пергонть.  
(Фото-клишесь ТАСС-ть).

## Китайский железнодорожникне тюрхть Китайть свободанц инкса

Хэбей провинцияса (Севернай Китайса) кафта кизода лама нивятихть действият железнодорожникне партизанский огрятня. Синь эздост васенцетне организовандэвсь нинге 1938 кизоня. Китайский командованиять руководстванц ала синь тиендихть партизанский операцият японский тылса, тяка жа пингста срафнесь машинакит. Васенда эрь отрядсь действият вятсь башка, но сядя меле ульсь паньф партизанонь железнодорожниконь специальнай школа. Школав мольть тяфта жа аф кржа крестьян.

Тяни провинцияса вете оцю отрядт, конатнень эса сембоц 4500 ломань. Ня отрядтне вятихть действият лама районга, кода противникть тылса, а стания жа фронтть полосасонза. Синь йотафтсь 262 бой, конатнень пингста ульсь шавф 4000 японец. Ня бойх-

нень эса лама герой—работайхть максозь эсь эряфснон. Железнодорожникнень смелостьснон колга лац содайхть северса. Железнодорожниконь башка отрядтне аф весть лисендсть окруженияста, йотнезь японский кардоттнень и срафнезь противникть тылста сетнень и китнень.

Китайский железнодорожниконь отрядтне тяфта жа вятихть действият Хэнань провинцияса. Эсь существовандама пингстот ня отрядтне тапасть 95 японский поезд, срафтсть 130 километрань кувалмоса машина кит и валхтьс 7800 футт телеграфнай и телефоннай провод.

Стака условиясь и аф ваночок сян лангс, што ашихть ширеса населеннай пункттнень эзда, китайский партизатне тюрхть Китайть свободанц инкса.

## Индияса 150 тьожань текстильщиконь забастовка

Бомбеяса (Индия) ушедсь текстильной рабочий забастовка. Забастовкась фатясь 70 лама текстильной предприятия. Сонь эсонза примосихть участия 150 тьожань да лама рабочий.

Рабочайхне вешихть, штоба касфтомс заработной платаснон 15 процентс, сяс мес кассь питнесь товархнень лангс. Примирит-

ельнай советсь аф кунара рекомандовал касфтомс рабочайхнень зарплатаснон 10 процентс. Предпринимательхне тянь мархта согласиндасть, но аф ваномок тянь лангс, рабочайхне примирительнай советть предложенинц ашезь прима и ушедсть бастовандама.

(ТАСС).

## Комсомолец-отличник

Атюрьевский средняй школаса 9-це классонь ученикс-комсомолец Леша Поповсь тяддень тонафнема кизоть ашезь получа фкявок калдыав отметка. Отличнайста тонафнемада башка Поповсь вяти оцю общественной работавок. Аф кунара ученикне эсь собраниясост сонь кочказь ученический комитету председателксь, коса работай цебарьста. Сидеста якай ученикнень квартираваст, синь бытовой эряфснон проверяма, сотцесыне кода ученикне занимадакшнихть, кода пашкоткшнесь куду максф заданияснон, тиенди беседат родителснон мархта.

Ученикнень йоткса переменатнень пингста лувонды газетат, тиенди беседат международнай положенинть колга. Отличнайста тонафнеманкса и общественной тевонь вятеманкса школань дирекциясь ламоксть сонь казендезде питни казнеса.

Тянийнь пингть Попов ялгась сувазь социалистический соревнованияс колмоце четвртть и марнек сембе тонафнема кизоть отличнай оценка мархта аделаманц инкса.

Карл Черакшев.

Атюрьевский район.

## Кярмодемс тевти

М.-Маресева велень комсомольский организациясь аф вяти кодамовок работа колхознай од ломаттнень йоткса. Колхозса атак нолдак фкявок стенной газета и аф йотафневихть беседат международнай положенинть колга. 1939 кизоня комсомолу атак примак фкявок од ломань.


Комсомольский организациясь

тячийнь шити самс ашезе обсуждинда эсь собраниясонза ВЛКСМ нь ЦК-ть X-це пленумонь решенинзон. И комсомолец синь мархтост аф знакомаихть.

Ф. Радайкин.

Чамзинский р-н.

Ответ. редакторть инкса М. САЙГИН.



Московский Государственный университет основандама шинц 185 кизонцы. СНИМКАСА: Московский Государственный университет лекторийн здания. Фотось Н. Кубаевъ.  
(Фото-клишесь ТАСС-ть).